

**Zvornička 9  
71000 Sarajevo  
Bosna i Hercegovina**

Sarajevo, 7.7.2020. godine

## ONOME NA KOGA SE ODNOSI

Poštovani,

World Vision International u Bosni i Hercegovini s velikom pažnjom i neskrivenim divljenjem prati rad Pozorišta mladih Tuzle i Udruženja Mladi Tuzle već dugi niz godina, te u posljednje dvije godine intenzivnije i vrlo uspješno saradujemo.

Kao organizacija koja u Bosni i Hercegovini djeluje već četvrtinu stoljeća, a posvećena je zaštiti, dobrobiti i razvoju djece i mladih, njihovih porodica i zajednica, s posebnim fokusom na one najranjivije, u mogućnosti smo prepoznati i vrednovati jedinstven model rada Pozorišta i njegov pozitivan uticaj na generacije djece polaznika Dramskog studija, njihove roditelje i širu zajednicu.

Koristeći specifičan i godinama usavršavani model dramske pedagogije, odnosno primjenjenog pozorišta i drame, Pozorište mladih stavlja u fokus svako pojedino dijete i njegove/ njene jedinstvene okolnosti i potencijale, te radom u grupi razvija čitav spektar vrijednosti, kompetencija i životnih vještina svojih polaznika koje ne samo da uče djecu kulturi i umjetnosti, već samopuzdanju, samovrednovanju, kritičkom promišljanju, komunikaciji, uvažavanju različitosti, toleranciji, suživotu i uopšte životu. Za generacije djece i mladih koji su imali priliku družiti se, rasti i razvijati se pod okriljem Pozorišta mladih Tuzle, ono s pravom nosi naziv 'Mjesto sigurnog odrastavnja'.

Osim direktnog rada sa djecom i mladima, posebno vrednujemo napore i postignuća Pozorišta mladih Tuzla i Udruženja Mladih Tuzle na razvoju omladinskog aktivizma. Ponosni smo što je Pozorište mladih Tuzle, skupa sa 20 organizacija mladih iz cijele BiH, aktivna članica pokreta mladih Vrijedni pažnje u BiH, pokrenutog od strane World Vision-a International, pod okriljem globalne kampanje It Takes a World to End Violence Against Children/ Potreban je cijeli svijet da se zaustavi nasilje nad djecom. Zahvalni smo što svojim vrijednostima, nadaleko prepoznatim načinom rada i društveno angažiranim predstava koje donosi pred šaroliku BiH publiku, Pozorište mladih Tuzla diže glas protiv nasilja, zanemarivanja i bilo koje zloupotrebe djece i mladih i podstiče roditelje, zajednicu i društvo da kontinuirano ulažu u djecu, njihova prava i dobrobit.

Zbog svega što jesu, za što se zalažu, što su postigli i pokazali da mogu, obradovani smo idejom Pozorišta mladih Tuzla i Udruženja Mladih Tuzle za osnivanje Mješovite srednje 'Savremeno-umjetničke' škole u Tuzli. Vjerujemo da ovo još jedna studiozna, perspektivna i nadasve hrabra inicijativa, utemeljena na iskustvu, dokazanoj ekspertizi i dalekosežnoj viziji kompletnijeg, savremenijeg i inovativnijeg ulaganja u djecu, obrazovanje i društvo u cjelini i stoga je svim srcem podržavamo i s pažnjom ćemo pratiti njen razvoj.

S poštovanjem,

  
Larisa Klepac  
Direktorica  
World Vision International u BiH

